



秋澗先生大全文集卷第二十一

七言律詩

溪田晚歸

百物秋成次第芳  
野人籬落散幽光  
晚禾結秀爭垂露  
高樹吟秋未有霜  
瓢飲空思罇湛綠  
盤餐新喜黍炊黃  
歸時更得茆簷美  
下澤車輕背夕陽

辛卯重九嘲幹臣周宰

九日寒花不見芳  
西灣招飲忒相妨  
驅車共載差元約  
冒雨長行有底忙  
野吹掀翻緇布帽  
冷香滂盡紫萸囊  
渣泥踏水歸時晚  
也道龍山會一場

壽李夫人時九十四歲

帝悅風流見二南  
洞天真侶記鸞驂  
慈顏媛婉丹浮

頰素髮飄瀟雪滿簪九十平頭添二二百齡餘慶欠  
三三今年更覺秋容好薦壽寒花滿菊潭

寄竹林劉隱君文甫庶簡苦齋詩老

蓬萊清淺到揚塵林下幽蘭有異芬萬壑烟霏分野  
色一庵閑地占溪雲鸞音時接公和款樵隱林驚豹  
峪君儘著青山映華髮東州人事日紛紛

周曲山挽章 壬辰三月十五日

四十年来老弟兄忍看埋玉入佳城子輿正斃酬初  
志東野詩鳴豈本情六任在官無少玷一貧到骨有  
餘清易車令辦棺衾事猶恐臨行累交生

哀馬希驥

人壽幾何鬼伯催抱羸赴官吁可哀乃知生死有定

處挽斷衣衫喚不迴千室望空絃誦樂一枝風折桂  
林材儀牀最是傷心目愁拂春坊劔字埃

競渡詩 并引

子前年客福唐寓舍在西湖上閩俗自四  
月中為龍船戲舩鑿長木為槽首尾鱗鬣  
皆作龍形以五彩粧繪且懸其腹取其澤  
也上坐五六十人人一棹柱面對翻並進  
如箭鏜歌鼓吹自明竟夕殊喧譁也大率  
爭取頭標以為劇戲踰重午乃已壬辰癸  
賓節追念往事偶為賦此且記越俗之好  
尚焉又平時花竹亭館四面環合不減臨  
安故亦以西湖名之

五月沅江競渡頻遺風此日見東閩大夫淪溺甘魚  
腹舟子招呼問水濱鏡鼓轟翻蛟鱗室繁華淒斷綺  
羅塵曲終人散青山暮招屈祠前獨愴神

獨頭木香 塔吉甫索賦

水晶簾外日初長一架醱醪雪覆墻艷冷不爭春事  
晚香繁還愛獨頭芳看來玉蘂唐昌供幻出天真號  
國粧壺酒風流名字在醉魂千丈助詩狂

元夕

斗轉春城送臘寒暖回阡陌紫生煙春風兩市華燈  
開夜色千門璧月圓書卷光陰清議裏梅花消息  
吟邊厭厭醉裏南樓角無復情悰似少年

和曲山見贈之什

竹林舊友今無幾白髮歸來對曲山詩似春雲晴有  
態倦如飛鳥共知還淵明高只羲皇上葛亮奇才伊  
呂間鍾鼎山林兩無濟塵埃空負半生閑

和紫山見寄四詩 正月二日作

百險歸來万里江傍人剛羨老能強閑居苦笑謀生  
拙遠宦空成採火仕少日搶揚猶雀躍只今蓄縮似  
龜藏絕然却掃閑門坐過簡還疑近子桑 大簡惟  
一假能與子桑  
晉公鐵面耻將迎天遣汾亭醉六經麟出近郊休技  
拭鳳巢何閣要儀刑菌搖露影從團蓋草腐墻振任  
化螢天賦美材終大用不然編簡為誰青 一作大器  
成疑定蓋  
山立揚林見老成輜車風彩動蠻荆兩鄉相望三年  
別四海論交六日兄諸葛奇才如汝滯 漢庭公議

欲證明只將健笔凌雲句亦是詩壇不朽名望君重

借一頌寧  
堪以酒名

七十人生所事休莫將閑惱蹙眉頭看来世運恢恢  
網刺却孤懷悄悄憂肉食廟堂均一飽笑談尊姐更  
何求樂章聽徹醒還醉夢繞黃爐憶舊游

立春日五詩正月初九日枕上作

今年春晚暖何遙庭院輕陰鎖寂寥香散南衙牛已  
碎冰封北岸凍微消老逢月閨憐多日前去灯宵不  
五朝居士病來花不染閉門詩思苦相撩

妾心風旆莫搖搖且着清樽永此朝詩句得吟如有  
助生涯無幾強顏料平生肉食聊尔耳此日蔬盤更  
寂寞休笑少陵垂白老還家曾散紫宸朝是年元日  
立春予侍

為待制同百官  
望拜內廷西北

曲山一病保無他卧老行厨閱歲華貧富較來元有  
分鄉閑歸到却無家粥盂得味憑羹美詩陣無前聽  
鼓過早晚黃紬紬被底醉頭舒出使排衙暗用文潞  
公宰翼城

詩意

輕裘錦帶佩吳鉤曾作江湖萬里遊彩仗春烟縈越  
省為韻中繫梅花詩興醉楊州在家貧好誰餬口万  
事癡如慮破頭收取琴書林下去蓋頭那把要先謀

為子孺欲起  
祿稼軒故云

立春節物最風流釵燕蔬盤闕獻酬暖律潛回交泰  
瑋香塵飛散送寒牛令龜有喜迎新歲任運何心接  
俊游鬱鬱林梢着紫氣悠悠吾道付滄州是日卜得泰  
卦故云令龜

有喜

守歲夜

靈柩回飈闔戶樞亦囊懸并漬屠蘇罇留臘味為春  
酒門插新桃換舊符歲事守來人潦倒窮船推去鬼  
擲榆明朝最是新年喜寬大書來聽杖扶

酬司命火結  
漢神打夜胡

元日

朔夜兒童問寢餘莫催子起動長吁圖書万国朝元  
會鐘鼓千門走番夫璿象譟回齊政斗赤靈何有碎  
邪符沉沉未覩三陽泰愁絕灰心一寸蓋

和曲山詩韻寄紫山年兄

宦業初無一事成誰云祿足代吾耕最忝獨學無

友擬托隣君度此生天外鳳凰誰得隨山間風月夏

相迎詩來健羨凌雲句轉使孤懷不暢情

百計謀生百不成薄田無幾不任耕洗心大易常

絕拊髀劉郎肉不生勢有大行虧倚伏人無定志

將迎果哉去作山林計却恐吾儕訝不情

壯年力學老無成白髮何堪事筆耕張子田園歸有

賦老龐話語到無生一作已分歸田業張挈雲心事

輸年少拭目時和喜迓迎有客過門聞

詔語一言或補不無情

人日有懷紫山年兄効少陵清明詩格

前年人日客殊方此日相望各故鄉酒醪不虧工部  
口檢華空斷蜀州腸休驚老態連眉白又喜春風上

柳黃君豈笑談稱曠達我非用捨定行藏風雲北海  
捫虱花木西城夢對林晚節得同林下飲不妨閑  
處有人仕紫山州業在府城西郭多植柳林黃為言

和曲山見贈高韵

我愛周兄不倚中平生臨事見豪雄從傍誰掣掣雲  
手妙用都歸製錦工勿藥病懷須止酒運斤詩筆自  
成風浩然一點胸中氣莫問時污與道隆

肉豉

肉豉傳方出異庖玉盆凝就破昆刀縱橫碎漬甌能  
錦瑩潔光翻琥珀膏暖入錫華防性爽味芳禁腐想  
京塵年高饜飫便天美不負吾坡養老饕

人山贈曲山周宰

近書雲物見豐年寬大書頒兩日前為穀未知明日  
事得官休羨小兒權翦花作勝徒為爾覓紙題詩一  
粲然遺愛祠前周老子幾時扶杖過思淵客厭舊名并大夫所編

為靳嘉議壽

時年八十有三

人生享福壽為先不似君家樂事全春色不隨喬木  
老眉毫光動百齡前風雲藥籠多陰積蘭玉堦庭點  
翠妍九老圖中休着眼世間元有地行仙

琉璃肺

擊鮮為具樂朋簪辣品流馨漲綠沉犀著喜辛忘海  
味霜刀爭割快牛心四筵談屑霏餘烈一縷冰漿濯  
襟勝過屠門矜大嚼夢雲飛遠躡林深一作隄帶音帶

簡寄

魏叅政兼謝白紵之貺

草木先聲漢嫫姚一軍畚洞掃地妖碧雲望香江南  
道白紵情深鄭國僑水閣燕閑時有待銀坑心計苦  
相撩看看銅柱南邊月又見弓旌萬里招

樂全老人詩

樂全老子見輕安杖屨西城日往還論福有孫應有  
子閑居非水亦非山春風滿意花遮眼曉鏡浮光酒  
暈顏九老有圖宜健美一生班列素侯間

耳聾自感

人生五十未全老天遣吾聰用晦明怪志虛傳三耳  
異省心先得一根清腦鳴日作蜩蟬噪霆迅時無  
驚物壯而衰自然理家翁彌譽轉尊榮詩云不

過顯軒先生林墓

正月十三日與陶晉卿送客回同拜墓下  
予二人為愴然者久之故有是作庶見夫

當哀切禱之意云

詩後七日其孫以脾疾亡

整冠趨拜栢林煙事往懷賢一慨然羽翼有圖期四  
皓風雲埋恨便千年斯文未欲吾儕喪乳釋宜為造  
物憐宿草黃岡重回首大書猶是廣平阡公母夫人封廣平郡

君三字蓋公親筆

良霄散步詩 并序

至元廿八年冬十一月十四日同曲山小  
酌林兄北軒既醺相與至珉溪家夜話歸  
見月色煙霏殊有春意因念數日寒返今



夕乃尔恐一冬不三二朝而已遂步入春  
露坊衝口而成詩何夜無月何家無酒但  
少閑適如吾四人耳

散步閑行不厭頻暖煙門巷越冬温話深不限城頭  
鼓歸晚長敲月下門一枕黑甜饒熟睡兩螯風味夢  
清樽竹宮梅信今年早准備新詩問蠟痕

和曲山題太一宮詩韻

蒼精宮闕五雲高千劫塵緣謝世勞太一旂常王母  
使真官裘被吉光毛仙家功行何多品人物中和第  
一曹近日蓬壺到清淺獨留春色醉仙桃

蕭爽神庭積翠高東瀛修復堵宮勞法傳四葉光前  
後望重層霄一羽毛粉飾皇圖開治道庇麻廣厦

到吾曹慙慙太一池邊月曾照銀觥醉露桃粉飾皇

見今上時首陳脩國史立臺省等事酌露桃謂初

喜雨

秋冬不雨到中春壠麥黃芽起旱塵翰販乘時析蹊  
貴賤貧無策救飢民誰知一雨連三日走逐群巫謝  
大鈞愚俗豈知皆帝力年年豐稔太平人

即事言懷

病三年白髮翁今年自覺更踈慵硯池敗墨無新  
書冊凝塵養蠹虫時向鑿方求服食誰從卜者問  
窮通正同農畝憂春旱三日甘霖洗歲凶

涼夜

氣機開闔貴猶常極慘隆炎物返傷大暑憑權前日

酷萬金難買此宵涼商飈借爽清庭戶白露先秋洗  
肺腸一枕夢歸天外境廣寒宮殿夜蒼蒼

跋御史梁公題祖隱君墓碑後中憲大定  
二十七年進士仕至河南府少尹

當年中憲煥人文景仰脩齊表隱君三尺瑤鑄堪晤  
語一家庭訓儘恭懃詩書有種餘金穴簪紱傳芳見  
世勛孝子思親同一致幾回瞻灑太行雲

賈秘監宅蓄大龜來自海南盈尺三尾真  
靈物也觀玩之餘賦詩以詠為提點老友

一絮

神龜來自海中央登薦君家五福堂盈尺要開黃髮  
壽巢蓮不羨綠毛香蒼鱗夤獵垂三尾元氣氤氳

六截昨日朶願觀不足楮牀長在老人傍

壽韓生弘

待扣鐘邊弟子行當年風度已汪洋循循試看青衿  
子濟濟渾如上舍庠將就緝熙從灑掃擊磨蒙垢到  
輝光束脩藉手嗟何有重為韓生壽一觴

濟衣冠  
上舍庠

和曲山冬日述懷嚴韻

幾年青瑣列朝班萬里江湖又往還浮世舉從愁裏  
過人生能肯老來閑時方多故難前料家任長貧免  
後艱更有行身思寡過未能蕩瑗每慚顏

送參政飛卿時改迂西省

辛卯冬十  
二月七日

漢庭冠劍擁群推開濟都輸畫一功暫試邊籌清劍

外又分春色入秦中風雲平步無餘謹肝膽疇知有  
至公長使救時公等健老夫何有炬蓮紅

奉和曲山胡桃詩嚴韻

藤藜為菓性甘良今歲收成滿市行褐殼外包金作  
皺黃衣中累玉為穰似憐澹泊陪尊俎滿嚙芳馨益  
柿腸聞說開元全盛日十金一拌喜新嘗

又長憶東瀛傳法

膏同啗便非常

彼桃根植自羗南遺種携來漢使驂雷斧斫開驚蟄  
卯雪穰翻出合歡蟾華池增潤酥同膩老頰含飴蜜  
比甜想得上林初結實百官分賜露恩沾

餞中丞義甫還闕下

并序

子與中丞義甫同官歷下自後君由維陽

移秦中不肖亦承乏福唐地之相去也萬  
里時之契闊蓋八年于茲壬辰春正月邂逅  
迨衛南尊酒間握手道舊殊歡暢也因話  
及弊居醉經堂珉溪曰今易為春露矣予  
即曰春露堂中秋澗老君應聲云可對梅  
花軒下柳溪生蓋君游蘇門稱柳溪生提  
憲開封以梅軒自號故云即舉酒囑予曰  
可足為一詩見贈因輟聯成篇以光行色  
其辭曰

綠波春水淨長亭樽酒相逢話故情春露堂中秋澗  
老梅花軒下柳溪生十年一別渾如昨兩地相望不  
易并三篋補遺蒙 睿眷 寵光浮動 漢公卿

衛南讌集纔終日歷下分携已八年王樹風神猶夙  
昔彈丸詩句轉清圓傳家有學光先業望壠求書  
憶昔賢從此玉墀冠劍地漢家勲業有貂蟬第一  
作肯堂有  
攝傳先業

和曲山見示十六夜詩

三杯兩醖醉朦騰門巷歸時月色澄人影共三驚傑  
句元宵過五賸殘燈遊觀縱羨吾誰與老病相仍子  
不勝昨晚詩來知勿藥樂於相對遠方朋

非隱非商處市闌出門即礙覺行難虛名藉藉知何  
有世事悠悠興易闌化日舒長饒驟暖新詩吟苦有  
餘寒書生伎倆宜人笑兩束賡章要不刊為曲山唱  
以述日

和等作編集成帙

寄贈總帥便宜汪侯壬辰正月二十

前日劍騎過衛幸得一識英表勉贈二章  
庶見微懇

城晟袍鎧鳳花紅蠅爽英姿百戰推歌雅有懷千里  
隔停驂還喜一搏全忠傳孝繼來家法谷靜川空見  
驗功自古詩書出名將將軍今日漢膠東

隴西名將相山東與別諸侯揔不同隴右風塵天一  
將壇恩禮漢元戎秦風儘詠車鄰富魯泮重看  
獻馘功想得朝天承讌衍教坊金壽縣彩雲中

燈市行樂

人喜時和更上元春城風物覺清妍罇罍傾倒非吾  
事杖履游觀有樂全澹澹陌塵燈散後迢迢春箭醉

吟邊新詩不獨書閑適待與清時備管絃

為曲山久病作詩以慰之

曲山隱机一冬餘心事中間合減除委巷莫悲來結  
駟崩緜休詠食無魚木欺脾土宜其養詩梗吟吭可  
暫踈六十坡仙年未老万緣灰冷覓方書

再和慰曲山前韻

一身之外揔為餘應有閑憂合屏除出宰莫悲淹足  
驥研精休効蠹書魚兩孟充腹宜相調一盞和顏未  
可踈休信安心泥禪術內經還是不刊書若以遺懷餘習在內經還足緊有書

于拜顯軒墓後七日其孫以脾疾亡復作  
詩以哀之

悲風吹野白晝陰吞聲不作短歌吟尚期穉子有餘  
慶少慰先生未了心玉樹凋殘天已老蘭芽助長思  
空深因懷此老含飴語地下相持淚滿襟穉子一作委蛻也

出列子子孫者天地之委蛻也

僮哀詩并序

僮姓李氏小字八齒十有六歲壬辰夏後  
六月廿九日因戲水濱溺死視溺于時卧  
病不知以數日不來見疑其有異且覺夢  
思恍惚及旬餘窮竟所以乃云已死矣為  
惻然者累日其辭曰

來從汀郡六千里執役家僮二載餘兵死不教承舞  
樂陸沉誰料葬河魚樵蘇晚到虞踈失庭戶晨興憶

掃除善遇力備平日事一朝不見意何如

挽摠尹湯侯

并幹臺邊始識君共山山下酌新墳攀巒猶是風雲  
夢分陝仍高牧伯勲翠琰能書無媿筆石麟休認辟  
邪文泉高儘慰承家望又見賢郎迥不群

題珠簾綉序後

七竅生香詠洛姝風流不似紫山胡半床夢冷珠簾  
月用望中一序情鍾奈籍圖鍾破小山單古獄倒翻

早氏指沾壚芳悵苦帶同心賞過斷行雲唱鷓鴣

題香山寺畫卷

送客當年過玉泉醉中遊賞得奇觀一泓湛碧浮僧  
冷幾葉秋黃打石欄山色空涼金界濕松聲清及海

波寒吟鞭回首都門道斜日歸時翠滿鞍

過朝歌與苦齋馬上聯句

三十年來老友生論文談舊見懣清時健在已多辛  
白髮相從復此行朔吹號寒欺破帽重陰掃靜喜新  
晴憂先樂後平生事一笑長驅過故城

題府判黃懋卿手卷

簿領當年憲府廳已期公叔與同升為觀臨事多難  
際素有持心近厚祿荷橐儘高蘭省諭判花清映玉  
壺水漳南未是淹留地變化重看九萬鵬

送舍弟南歸穰下壬辰十月廿一日

相思渭北常年事遠送漳南恨別心沙暖暫聯鴻鴈  
序霜寒淒斷鷓鴣音兩鄉健在都能幾千里含情老

更深慰浣此懷知懇切不交消息到浮沉

觀光

化日舒長靜八埏瓊龍布滿紫宸班問閣有喜科  
差少煙火全踈傳舍開象緯拱環天北極聲明漸及  
海東蠻春潭不用弘農寶斗米三錢濟歲艱

壽右平章不忽木

黑頭便插侍中貂潯水春風憶共僚學術自初希  
聖哲羽毛今未見雲霄心存經濟開公道天與精神  
壯本朝紫禁煙花縈繞裏青松千尺儘難凋

歷閱清朝玉笋班龍麟誰似相君攀事多簡省經綸  
移道在從容奏對間黃閣不知金印重思亭清似玉  
堂閑鳳池刺有如灑酒細瀉瓊杯暈壽顏一作梅花

長醉春  
玉鍊頰

劍履光清斗極邊秋風庭戶淨吟嚶北門視草情何  
密東閣觀梅暖更妍白髮詞臣從寂寞青天鵬背鹵  
三千一樽細瀉新豐酒此際於君分合偏

漢相規隨有典刑譜書今傍太微星魏陶品彙均元  
化業履貂蟬自六經養浩以剛鄒孟直誠心無愧魯  
齋銘細傾東閣梅花釀長對西山未了青時拜御  
史申丞

賦王詹丞

宣賜玉杖

王諱慶端字  
正甫葉城人

青宮宿衛舊將軍家世今誰萬石君千騎寵光承  
眷顧一枝方杖表忠勤靜臨春桂堂階月暖帶紅  
鸞扇影雲若把璠璣比良德健於羅結更溫文一作

侍此今有劫雲  
臺從此策高勳

同鵬飛遊長春宮

步入方壺別有天  
茫茫雲海道家山  
甘河真遇自伊始  
鐵鎖高垂不可攀  
黑入太陰松桂老  
望空玄圃水雲閑  
臨濟門外春風暖  
將復流紅到世間

張鵬飛治虎骨為鏡插作詩以贈

張族骨鯁霜稜  
稜削出椎軼瑩且精  
厭猛細將鵝作項  
差肩蓋與鹿同名  
寢皮食肉真吾事  
理髮繙經入小成  
持贈有懷增老健  
一簪秋氣見初橫

虎膠杯二首

帳竿圍錦褥  
談兵猛腦剗來正  
可觥製就要為元惡  
戒飲餘便覺  
谷風生瑣紋  
漬血紅猶濕  
酒力增嚴氣未平  
廣會長筵莫輕出  
慮妨儀鬼淚縱橫

犀船螺傘脂粉具  
老頂剗作元戎觥  
撩頭無復盜跖怒  
持飲頓覺陰風生  
鎖紋漬血紅猶濕  
酒力增嚴氣未平  
鱸吸長筵莫輕出  
挪揄儀鬼恐潛驚

惡却思儀鬼恐潛驚

一作更驚

十一月十八日壽宮小集

六祖真人牛教授伯祥張按察

十稔相望不務逢  
一樽誰料此宵同  
笑談偶得陶元亮  
賓主不分龐德翁  
竹葉添春冬後綠  
燭華留喜夜深紅  
鼎邊句就東方白  
却恐彌明訝不工

贈牛教授伯祥

牛君伯祥以失馬辭  
見示意甚悽惋  
雖情之所鍾  
正在我輩  
然思而不置  
恐傷天和



而病吾子也故終之以電露之喻

朝看顏頡燕于飛夜聽城烏有暗啼風拉綺絲疑晤  
語鏡翻寫影夢雙棲髮空曾改安貧樂當饋難忘舉  
按齊不見六如亭上客此情斷度不容悽

壽長春張真人

絳闕蓬山不易求春風瑤草夢麟洲未如華表千年  
鶴繞閑人間七十秋道紀有方藏妙用玄談登對動  
宸旒對慈薰一炷嬰香供吹滿壺天十二樓對對謂掌

上對

送王講師歸終南舊隱

青城仙馭本翩躚自惜緇經老閉關藜杖偶隨雲輶  
出草堂今喜鶴飛還道疑年整冲融際詩在終南紫

翠間去去黃塵今古道幾人回首似君閑

吾友鵬飛張君壯歲論交十年三遇少聞

如意多見隱憂燕越相望契闊復兩衰年

遠別互深相愛之情判案須煩例有三惑

之謂冰清玉潔餘孰何堪下怨上疑自昔

如此在李華而未免於吾子以何如若作

計以處時宜貴和而容衆子其行矣詩以

送之

四任邊除見壯猷空拳搏虎踏三兔得便宜處無再  
往當計會時須遠謀花柳都城終歲好江山南土暫  
時游倚門妻子愁仍破檣燕聲中莫少留

送左丞董君行院金陵

壘壁光寒海徼深未容緩帶畀分臨旌旗動色真餘  
事節制無方是自侵纏索要知今日馭戎機還盡老  
臣心迎仙門外生祠栢親見森森綠滿陰

朝謁柳林行宮二詩 并叙

至元癸巳二月四日臣膺憚巨文海儼居  
信朝謁春水 行宮於瀘曲之柳林優蒙  
睿眷詔錄年名以聞引進者中丞崔或被  
沐 天恩敢綴為唐律二詩以表殊常之  
遇臣憚謹序

漢家

天子獵非熊五柞長楊是近宮 萬騎遠臨滄海右  
五人同拜柳林東自憐賤子承 恩眷重為斯文惜

至公更擬論思叅政議老臣何有沃 淵衷

千官扈蹕 翠華東 詔許諸生見雪宮商嶺採芝

慚綺季新豐需 命似姚崇名燁彤管猶通籍簡在  
儒臣要勸忠步出 禁闈傳少侯長楊高樹動春風

癸巳清明後三日偕益津李士觀登太史  
臺

客中何處散幽懷放眼高明恐易裁兼覺形神未全  
老試憑筋力共登臺山河繚繞陪京壯樓觀參差落  
照開曳杖不知雙髀困銅駝巷陌晚歸來

奉和李樂齋登太史臺詩韻

衰茶形骸俱諱老較量筋力共登臺漸忻就日瞻天  
近不憚捫參歷井回步下玉堦驚峻極立殘夕照尚

張徊銅駝巷陌歸時晚一笑恁恁曳杖來  
靈臺璇象兩巍巍夢寐三年始一窺日挾陽烏翻倒  
影天浮圓蓋入銅儀當時東觀張平子此日吾元郭  
若思羨殺漢儒皆實學幾曾分異限藩籬

和李樂齋馬病詩韻

花柳都城約勝遊閉門翻作抱官囚血糊駿足幾無  
採眼昧庸工悔悞投策杖恐招徒步請求全翻得蹙  
眉憂自今安驥君須記鍼法從來是把頭

為中丞博陵公壽

經國如君富遠圖報恩多半薦賢書義方對  
俠辭何婉玄素回天力有餘論入事機包細大望  
高德見舒徐近年默數康時奏儘是汾陽極品除

喜荅李六祖病後見憶

道韻卿心兩疊稠竹宮長記半冬留橘房嬉戲有真  
樂鵬背逍遙忘遠遊清夢偶便旬月寢叢花空抱一  
春愁朝來好得平安報香滿經臺紫氣浮

送吳僧清琬長遊上都

顛骨巉巉羣犀插腦繙經休作越僧看索蠲心行拋塵  
累飛跳天星得妙觀化日闊浮天竺小秋風蘭若野  
僧殘回頭清磬千門裏曇鉢花鮮照眼寒

挽樊君道錄

每歎玄門道有綱樊君扶翅冠簪裳公材絕似張嵩  
岳術異初非費長房樽酒笑談才宿昔玉棺飛墮便  
蒼茫仙遊久厭人間世華表歸來意未量

答晉卿教授

蒼狗雲衣日易翻，桂薪珠米住京難。  
百司扈送回銜輅，一室虛潛盼冷官。  
老境靜思林下樂，鄉書喜向枕中看。  
絳紗幔底絃歌樂，政恐天教柰歲寒。

挽趙公同簽

不肖憚自壯歲辱知，頗厚意廣才疎竟成。  
墮窳日暮懷人豈勝慨，嘆魂而有知庶幾。  
少慰其詩曰

氣鬱元龍漢魏豪，豈容空見卧床高。  
力籌戎務開樞府，膽落僧齋拜節毛。  
陰授有機黃石略，夢歸何處赤松邀。  
傷心此日題詩客，老淚縱橫濕佩刀。  
公使日本回相會於平陽以本國佩刀見贈詩紙用留侯事者蓋以公全似漢初異人

詩餞王中丞復任中慶諸路行臺愛仰之  
懷義形于辭知音者無惜同賦

六詔行臺自昔無，恢恢天網未容疎。  
須池逐鯨真餘事，霜簡收炎見壯圖。  
報政果符銀作驗，立朝回看玉為魚。  
此身雖遠吾民晏，肯憚風沙萬里涂。  
銀為驗初赴雲南時

錫銀二功乃將來以此銀為驗

過樞東府二首呈王院判侍常

屏佇延英殿，庶風道傳宮語近。  
軍容自從文武岐分

二頰覺韜鈴勢轉，惟畫戟凝香連。  
嫖衛出長楊賦云

指言青舟去病也亦囊封懶折邊，衝卻穀莫詫詩書將谷靜

川空要駿功

宥府沉雄見致隆，折衝樽俎沃洲東。  
庭花露重凝深

紫閭石犀寒辟軟紅國論動能參兩勢朝堂亦作寧  
復嘆三空歸鞍細嚼輪臺詔兵寢刑清是極功

題峴山白石洞野齋序文後

敵陵東北望峴山滿馬風埃憶往還白石久聞經洞  
右碧雲誰似老僧閑夢驚三十年前事詩在推敲月  
下関安得野齋相約去松風岩壑共躋攀

送王司業嗣能倅衢州

前年持節使閩甌端是騎鱸汗漫遊兩浙江山真卷  
盡三衢風土似中州兵餘獨重瘡痍苦政異無逾襦  
袴謳此去新詩更瀟灑所思多在望濤樓

完顏士慶赴任蜀省來別索詩係金內族

秋滿長安落葉紛天葩根異獨竒芬氣酣不在新豐

酒志遠先馳蜀棧雲幕府文書無整肅即官心事足  
忠勤腰間四世千金劍又見清光湛斗文

輔提刑正臣挽詩并序

臺憲者頃長道而服群醜也昔魯人以泮  
水頌僖公而曰敬慎威儀維民之則載色  
載笑匪怒伊教如提刑輔公有焉又如諸  
生廩繼于邁思樂何啻采芹藻而已不肖  
猥繼公後親覩斯美豈勝歎歎蓋學校乃  
國家之元氣故予特以崇學為言使留心  
於簿書米鹽間者聞先生之風庶幾知所  
自云秋澗王惲謹序

澄清心事見褰帷只道剛稜未盡知霜逐簡華森憲

府力宣風化作邦基廟堂留像瞻遺愛寒藻翻香舞  
頰池夢到養源堂上月至今鐘鼓似清時

前年學館拜遺祠此日看君墮淚詩飲食固云飢渴  
易教條能盡後先宜豸霜肅政潛臬敝文藻翻香舞  
頰池夢到養源堂上月至今鐘鼓樂清時

李廷珪墨潘世傳能定人神志予病久思  
若恍惚因假之師孟研汁一盃飲之戲漬  
餘馥賦詩少見無聊賴之緒時癸巳八月

朔日也

龍齋知珪獨擅唐洗心今試秘

滿意濃薰月露香靈府策

文戰非吾事正

送鄧卽往緹州

我客京華識鄧卽恍如身在野齋傍三年載筆同詞  
館一字論文憶夜牀老去光陰都幾許別來雲海尚  
相望玉堂昨夜秋風冷夢裏歸心到汶陽

秋澗先生大全文集卷二十一

秋澗先生大全文集卷第二十二

誠說堂

三牲致養應爲易揚子怡親志所難滿抱忱誠無少  
慊一杯菽水見貞歡詠歌豈取時人譽溫清思貽後  
嗣看想得歲時稱慶處春風香藹紫庭蘭

史宣慰子明友松亭詩

壯歲英威大樹馮老依松翠養襟靈秋聲幾泛投壺  
唱偃蓋空懷倚杖形華屋丘山驚夢斷玉堂編簡為  
君青千年貞魄棲脩幹不信龍泉閔夜扃

壽張左丞子文

甲午正月十六日

箕尾儲精一氣盪仰看風骨秀而神青宮羽翼風雲  
舊黃閣調和鼎石新若論掾時非易得與同熙載更

誰親一盃重為君侯壽紅藥堦前要好春  
春坊壁月挂瓊枝人物風流映一時四海蒼生欣望  
愜兩宮和氣對時熙西池進讀霑殊遇東閣追攀辱  
舊知此日壽君宜有頌載歌歲傲武公詩  
供職詞林已四年今春添壽倍增妍詩如東閣梅花  
細人在春坊壁月圓漢業翼成無跡考遂初亭暖覺  
春先沙堤有語蒼生福好在論思拱御筵  
今歲調元事體新風雲開闔入經綸兩宮受賀安磐  
石萬國歸心有老臣相業儘高麟閣讚醉吟時到野  
亭春五雲深處台星爛長見清光拱北辰

甲午歲正月二十三日右丞何公絳麟華旦  
謹奉唐律二章用介眉壽

庭檜婆娑一畝陰貞姿不受歲寒侵侍謀東閣時情  
協養浩南窓夜氣深閑縱詩懷穿理窟靜觀犧易見  
天心百觚剩有春風釀重為明時要細斟  
叢臺袷服士如雲又見聰山一氣春帷幕細談天下  
事典刑渾是老成人詩來東閣梅花細歌入民謠漢  
法新健羨武公宜自傲太平勲業盡麒麟

過左副賈相公新阡

左副新阡何處尋祁陽東北望喬林連城政美無瑕  
壁萬卷書多遺子金冠劔圖形凌閣重風煙埋恨石  
麟深峴山欲墮豐碑浹桃李公門綠蒲陰  
彭澤二賢堂為江州周使君賦

歛裳宵逝無三月待臯鳴琴蒲五年與論行藏元有



異比量心事本同然浴光力取寰淵日示貶忠凝甲  
子編千古新祠祠下月不應獨照二公賢謂分光於使君也  
李清甫分齋

鷄飛不過丈尋間鵬翼雲垂九萬搏每自忖量彛秉  
外就中增損一毫難洗心俠習從多可放眼青天有  
達觀拈取榜齋才隻字此身還有泰山安

送表弟雲卿經歷赴上都先時韓壽院判  
仲常詩有通介不隨新進士壘益依舊老  
書生之句大為王君稱賞及北行仲常用  
元韻餞贈韓持詩見示亦請予依韻相送  
因勉為賡賦

樞庭機務貴謀成調議中間執倚平經事莫深吾弟

應臨機能盡上官情正煩幕畫孤忠壯肯着車輪四  
角生明日馬頭新店路居庸山色照吟觥

秋日宴廉園清露堂并序

右相康公奉

詔分陝七月初一日宴集賢翰林兩院諸  
君留別中齋有詩以記燕衍因繼嚴韻作  
二詩奉

平章相公一粲時坐間聞有後  
命故詩中及之

何處新秋樂事嘉相君絲竹宴芳華風憐柳弱婆娑  
舞雨媚蓮嬌次第花照眼東山人未老舉頭西日手  
空遊賓筵醉裏聞佳語喜動金拌五色瓜領照一作高雲錦席

紅翻涼吹翠蓋  
花

朝野歡娛到靖嘉五年經制見金華先聲遠動秦川

樹後命光融紫禁花歸騎不妨沙路晚留中恐為

國人遮暗用司馬端明自慚忝列絲綸地憔悴秋風

一繫瓜

德壽殿玉方池研

理宗所御德壽殿為太  
皇後所居殿緝熙講經

殿也 碑即  
碧絲歌

玉斲坤形震四溟丹書猶認壽宮名紛紛落墨騰蛟

霧泫泫秋風拉瑟聲神物不知崑火烈碧絲今對玉

堂卿眼中多少興亡事白髮孤臣取愴情當時同僚  
承旨留中

齋學士劉東崖侍讀  
趙方滄皆宋人也

甲午秋七月九日扈山約李君水芝之會

予以事不克往明日例徵詩因繼中齋韻

陪京秋早物華清杖履迎秋出綺城蓮社與吟千葉

白盤餐非為五侯鯖眼中閣老何蒲洒意外浮名任

易更唯有柯山山上月歸心同照石梁橫

飛蓋追隨野興清冷煙疎雨濕層城兩舷踏足空蓮

唱大嚼過門得鼎鯖錦席高雲增爽朗秋風殘暑喜

交更竹西歸晚留餘思詩在夕陽澹處橫

為周紫岩賦冬日牡丹

蘇州人右職出身  
新燕兩浙行省事

中齋  
索賦

翦翦江風十月霜寒梅時序見花王一枝重薦金盤

瑞蒲幄濃薰麝粉香協氣暗扶忠節壯名葩來伴紫

岩芳故園從此恩光爛卷裏題詩半玉堂

再繼前韻贈中齋承旨

先生襟韻氣之清開府歸來客薊城雅集不知河朔  
飲名談有味德麟歸心落日常躑躅世事浮雲任  
變更夢到柯山山上月流光還愛石梁橫

賀梁參政陞拜左轄

故都喬木百年春累葉簪纓得相君馬出渥波騰逸  
氣豹藏玄霧見奇文十年佩玉何清響一見英標勝  
素聞剩說鼎調多至味兼收時到野人芹

題奉常李謙甫歸觀詩卷

十載馳書望玉闕一朝羅拜喜生還温顏孺慕猶親  
側秉燭相看似夢間棣萼香凝姜被暖故鄉誰羨錦  
衣班鶻鷁庭樹春多少車馬西行抱詔頒一作望眼

四十年阻離殊城喜生景一  
粵耕承餘燕樂錦衣誰夢照鄉國

賀唐承旨新堂落成

碧鷄華構喜新成軒瓊虛明夜白生花影入簾詩思  
淑琴聲當戶月華清人生孰若安居樂樽酒重尋舊  
雨盟不作老張輪奐頌玉堂青議正煩卿

甲午八月一日赴李揔管蓮塘之會坐中

走筆賦此

斗酒初醺倚畫欄鶉花紅映万珠盤野烟高柳吹衣  
濕碧落銀河照眼寒老去自知情味減興來思盡故  
人懽相逢一笑真難得况復君侯禮數寬

諸人酬詠既已復和前韻

垂柳橫橋轉赤欄望中清興散愁盤玉淵堂迥山光

碧秋水臺高午景寒爛熳不知前日會唱醜當記此時歡平生肝膽向人盡不是悲秋強自寬

甲午中秋日宴同簽洪公東第賓僚集賢翰林兩院而已將暮雲陰四合既歸月明如畫偶賦此詩且記盛筵三首

今年秋夕賞心何絲竹堂深間雅歌三院盍簪都下少四筵登味海東多休辭皂蓋停車轂盡倒清樽待月娥兩袖桂香翻未盡更憐歸路影婆娑

赤囊無騎海無波今歲中秋樂事多為愛願軒吟吳逸來陪詞客醉時歌紅雲照眼瞻天近白髮欺人奈老何連夜暮歸驚夢異林間金背看陂陀

稍稍英氣秀橫秋此日青雲接燕遊賓府笑談詩禮

帥故家人物鳳麟洲為憐桂影饒清賞歸避金吾怯晚留為見願軒慙厚意更將遺吳較詩籌

題高和甫侍郎先世圖譜後

故都喬木幾蒼二高氏宗支慶緒長兩世簪纓登相府百年忠孝見諸郎解紛晉漢多險積斂社韓劉避耿光十襲室藏防墜佚衛公遺物要同芳

送東崖學士總尹建昌軍九月十三日

待詔詞林整十年黃金橫帶列朝班紅雲繡袞瞻天屢白晝鄉闈着錦還頰筆謝詩增曠達銅陵碧澗夢躋攀般勤華子崗頭月先借清光浣別顏

遊水峪

兩沐山容曉更鮮塔深行入洞中天林間石碇傳經

鉢嶺崦雲封種玉田世味酸鹹誰自信人生聲利古  
難全道人歸潔宜諳此抱石歸來煮夜泉  
今秋山北迂回鑿偶得新詩記往還臣子要知吾分  
在功名休問左天慳滿軒光寵屈庸道兩袖風煙水  
峪山同見同游又同樂從容恰及一旬間

過誨之高兄新屋

高子幽居遠若村北城城下柳箴門寒因霜早收梨  
栗貧喜家安遺子孫閑裏有詩渾湧與客來止酒對  
空樽自慚過訪成踈曠戀戀相看到日昏

為洪同簽書諸公中秋燕集詩卷因題于

後

詩鏗鬢碧空雲一樣書來更可人落墨空翻

黑清吟真有鴨江春鷄林取重吾何有樞相知音世  
罕倫還笑愛鵝王內史馬經時與羽流親

壽泉平章

兩朝元老漢刑儀宣室添香侍受釐傳識不遺三篋  
秘拜公應較十年遲敢從汗簡聯清秩喜為裁詩薦  
壽卮瀚海綠波三百曲歲淨春色上芝眉

壽董承旨

正月十一日

百觚春酒週年壽十首新詩二品官窮達不為身外  
計功名儘向後來看細圖野隱明歸志靜撫孤松愛  
歲寒此日稱觴宜有頌兩宮恩眷古為難

送縉雲教官伯讓之任浏陽仍和見贈韻

縉雲遙裔以才聞遠任長沙吊楚臣論學拜官甘冷

職過門求益有斯人道傳伊洛真吾事詩到齊梁恐  
後塵領取漢家声教去六經何地不陽春

元貞二年丙申元會日大雪

万室陳庭未是奇千官朝處玉為墀靜看整々斜々  
態不礙踏々濟々儀法部氣嚴催箭舞 御炉烟澹  
濕鴛旂小臣歸美豐年度不數元和賀雨詩

送省掾李希顏隆興總判

西京人

春水延芳菴從辰笑談鞍馬見情真幾年畫省含香  
掾一日公堂入幕賓政異莫如官事簡心丹回夢帝  
城春古稱四海皆昆弟洒落如君有幾人

題彭壽之慶八十詩軸

竹色宮墻野粉黃百年遺老見張蒼青雲仕宦思曠

昔白髮光陰在故鄉志健不知鳩杖勁眼明猶炯竹  
書光若從九老徵遺事好着丹青畫宝坊

大賢詩三首并序

甲午歲正月廿二日癸巳偕翰林諸君謁  
太傅伯顏公於東城甲第之北堂公姿威  
不見猛簡不失和貞魁傑人也公初至燕  
首詢諸何右轄曰翰林諸老今在者誰及  
是歷問各官壽期今供何職醕禮間顧相

謂曰

朝家所以養諸老者正以乞言論政而已  
如事會議各顧官守未免或偏若集之同  
僚則議論通一所益良多某曰前世立益

政院者正此意也中丞崔相亦以為然乃  
知公深謀遠至氣量含弘 朝廷之上軍  
國大計心無或不在所謂大臣以道事君  
者也既而公出衆侯門屏間遣純綱來謝  
曰不敢多勞遂退因得大賢詩一首純其  
披觀之快後二年公府掾張楚持畫像懇  
予哀挽既書鄙辭載惟疇昔情有不能已  
者且念六合雖一相業未展天不憇遺哀  
斯民之不幸也噫因附錄于後

萬馬龍驤宿漠陲朔雲邊雪避旌麾麟遊近藪人歌  
瑞虎在深林氣甚夷解甲齊山降宋日鞠躬趨陸入  
朝時有懷不盡蒼生事空詠皮公七愛詩

使華來自海西邊一日風雲擁將壇仁信有餘收戰  
格旌麾不動下臨安應憐文武匡時切忍對麒麟畫  
像看不獨臨淮開府掾追思勲德淚闌干

軍容機政兩儀刑自有胷中節制兵直道事君忘智  
勇丹心為國儘忠貞風雲感會千年契笳鼓歸來六  
合清途想翠華秋彌際  
聖情凝佇聽輦聲

異菊圖一枝十花容色各異未之見也故

賦

枉說重巖細菊班連眉十樣更清妍不辭老圃秋容  
澹要見花神景氣偏越被香濃薰百和柴桑人去已  
千年醉吟不用江州白此日東籬得董仙

百品流芳見已稀一枝獨秀更堪奇秋陽借暖留三  
徑翠袖分香列十眉竹外晚粧明閣院月中青女要  
新詩繁華淒斷長沙夢盡裏淵明又一詩

聞友人買犀帶

聞君饒價買犀躔但爲精神見老年論品要勝華衣  
異垂腰猶欠玉魚懸過天即是裴公賜素段其如白  
傳顛留取百錢休妄費安排開歲置貂蟬

贈潘州朴生子温

踵門來謁樂新知自說容城指授師孤鶴遠從華表  
下六經都向管中窺西山掃墓懷私淑東郡趨庭儼  
聖恩莫把一簞顏氏樂春風吹作錦囊詩

送總統佛智師南還

釋教總統佛智大師姓積寧氏名沙囉巴  
華言爲吉祥慧也西番人祖相嘉屹囉父  
沙囉觀以象胥主譯諸經至師八世矣師  
早侍帝師教思巴受知先朝精詳內  
典又喜儒書樂與吾屬游元貞初選師爲  
江喇總統明年率諸山長老入覲獲侍清  
燕啓沃一言煦燠三吳同煦大覺未歸江  
東父老投牒行臺趣師南還將行以贈言  
爲榮因賦是詩以送

白足毗耶不易逢鬢絲揮榻偶相同經未震旦三千  
界人在大龍八部中滿送酒船浮坵海細薰香霧供  
南豐江東父老催飛錫要沸潮音與海通



與梁總判楊少監武子劉摠管叔謙會梁  
都運高舍別墅夜話帳中樂怡也梁君  
索詩因書此以荅雅意元貞三年二月十  
八日也

問字尊思過子雲一樽梁野喜情親清燈夜話逢知  
交喬木蒼烟憶世臣野水添杯無盡歲戾門儲慶有  
餘春五枝休數燕山寶黃閣經綸見秉鈞

挽子敬楊君終唐州知州子裕母弟

青血陂陀閨夜泉鵲鴿庭樹已蕭然一樽香飲留情  
話五馬長歸是別筵黃壤冷埋林下壁綠波空泛幕  
中蓮息軒未覺風流遠行見吾甯歷試年

送李敬甫之任靖江摠管

海山蟠巨十州環桂嶺西南隘漢關吾子有材稱吏  
治土風從古彌時怪老天形劫力開炎德赤子龍蛇雜  
洞壘交致息威民事了震旌歸早慰慈顏

呈高麗世子

霞綺紅潮鴨綠清風姿渾是父王英礼文曲折猶周  
制脂澤溼濡見漢甥衡宇接談今日款中堂  
陪宴嚮來情鳳凰池上應回憶慚愧朱紗一再行

冬日海棠

玉環朝醉綠雲鬆眩是幽軒不信冬春色暖秋神卓  
異丹砂重見海洲紅銀缸侍寢留高照青女憐嬌偽  
動容似與方平尉親老金盤佳品不教空

壽唐承旨母王氏承旨五歲時授

孝經論語於母氏

教子堂深暎謝幃碧梧停鵲發英蕤燕脂點額猶宮  
樣懿範齊家備母儀香裊亦鳥花回紫誥雪封梅信動  
橫枝百年好在升堂拜歲一分香入壽危

慶王彥舉太夫人九秩之壽

花柳西池點翠妍婺光曾現竹宮烟年高賜幣承  
恩重子孝能忠見母賢女誠看未形管煒雲花行墮  
誥寫鮮風流九十人間福纔是平頭第一篇

和樞院王仲常雪詩嚴韻

龍武新軍宿禁墻鉄関風急走降王雅歌望絕皇華  
使朔雪春回黑帝祥四海同風有今日九天清吹表  
戎行兩宮和氣春如水併捲流霞入壽觴

壽王仲常院判

額骨清竒類左山紅雲香軟侍天顏處心久在外  
沉外著我何妨伯仲間密學潛隨宣底轉新詩清  
與化機閑太平有象邊聲靜醉聽長歌入漢関

題節婦寧氏手卷

蘭有幽姿竹有筠秋霜庭戶藹清芬誦詩已矢靡他  
節在禮初無再醮文蟋蟀聲寒思曉織若嵩魂黯夢  
孤墳楚王祠下秋原迥消得旌書倚碧雲

贈高麗樂軒李叅政甥朴學士中統初予  
載筆中堂嘗陪先相文會且有唱和今觀  
高標日暮懷人不覺慨歎因賦是詩為贈  
情見乎辭

鳴綠江頭老謫仙醉中吟諷得微言當年翰學推賢

相此日高風得樂軒白雪陽春元寡和翠鷺朱鳳  
看同翻鴨江秀色雞林筆歲封章入紫垣

題保定醫學劉教授慶八十詩卷

八秩光陰積慶多笑看金狄手摩挲前知來事疑  
思邈集驗儒門似子和藥籠功名閑等第醉鄉風月  
飽經過雞川如畫即山秀好在春風十二窠

和贈高麗鄭學士詩韻

豹管潛窺見異姿雞林詩好動京師 恩深自比滄  
涇瀾國小方姿節相毗宝瑟聽來多雅唱人生樂處  
是新知蓬山歸到梅花在千樹清香醉拾遺

和雪中鄭朴二學士金司業來訪詩韻

風雲長安撲玉塵詩成馭背欲誰親海東游子興不

淺辨寒微言語更真膜拜尚思瞻國光過門今喜得

陶賓人生適意無南北宮錦淋漓未厭頻

挽馮廉副壽卿友契

漢署千官列兩曹當時儀物簞清標擊囊議事驚孤  
注霜簡摧姦見六條樂府名香金鳳曲揚橋風細月  
明簫雪崖遺恨埋千古大樹風悲日寂寥

養志堂詩前江西省郎中孫居仁字謙

幾年臺省列清班難作聖門乘教衰班時刃恢恢政

務閑順志如詹推致養為親捧檄即承顏餘歡方在

恩榮際純孝初非口射間開卷諸公足歌詠自今錫

類滿鄉關

高麗國王謝事詔世子嗣位東還詩以送

之

禁鬱東牀得象賢遠持龍節赴真傳  
靜看麗海風雲契更覺天東雨露偏  
萬里寵光隆帝館三韓春色入吟鞭  
百年藩屏敦姻好合有忠精在日邊

秋澗先生大全文集卷第二十二

